

陶學士先生文集卷之五

七言律詩

喜秋雨

十六歲時見太平監郡馬公昂夫承命
面賦喜秋雨詩用七言律秋字韻

甘雨知時不待求使君心事與天游一時潤澤
知無價千里歌謠慶有秋山色洗青當郡舍稻
蒼垂白亞田疇作亭曾見東坡記名筆如今出
品流

輓方蕙山先生

名桂叢晚
號樵窩

家世淵源漢太常鄉閭德望魯靈光蒼顏白髮
今何處老竹枯芸尚滿堂物外懶窩閑晚境濠



東小圃瘁秋香深衣社裏前脩遠士類相逢重

感傷

老竹枯芸
懶寫記語

送牟景陽

清才曾贊玉堂臣
婉畫旋登闕幕賓
蜀郡衣冠家譜舊
河陽桃李政聲新
驪珠落紙成文富
鯨浪飛艎督漕頻
正是前賢遺愛地
摩挲蒼蘚認堅珉

其祖牟忠清公嘗知太平有大
脫釋圖山谷返梓圖石刻

送沈掾還鄉

華辯風生動四筵
公侯禮貌重雷連
江南作客千餘里
幕下淹才數十年
荒徑菊松陶令酒
行

囊書畫米家船
故山莫訝歸來早
染就恩袍又着鞭

呈謙齋內翰

累朝耆舊著勲名
行處農民藹頌聲
清畫玉堂雄灑翰
暮年金鼎倦調羹
江南久愛溪山好
天上曾依日月明
袖有濟人醫國手
更聞帛辟召還京

次韻前進士唐仲文登黃山詩

獻策當年動玉音
雲霄舊跡復追尋
江山聊寄登臨興
草木猶知撫字心
菊意漸香螬蟬實
松

陰乍冷鶴猿吟荒巖醉訪歌臺迹雨長苔蒼翠
濕襟

采石晚渡

殘霞遠樹水雲中淮甸江鄉有路通沙影分開
晴浪白櫓聲搖落夕陽紅風前宿鷺投踈葦岸
上征人望短篷幸有娥眉解迎客無勞更歎暮
途窮

輓嚴厚齋

字同用

皓首衣冠壽七旬全歸無憾見真淳濟人德厚
黃承事教子切深寶禹鈞月夜返菟香已斷雲

山埋骨地方新忘年交契今難得東望藍橋一
愴神

次張孝夫述懷韻

名源歷仕風
憲剛直人也

芙蓉池館得秋多深巷渾無俗客過河朔明星
遙拱極街衢尺雨任揚波多冠風采當重整駒
隙光陰有幾何坎止流行隨所遇暫時留連白
雲窩

次韻秋聲

忽然金氣撼山林響應天機捷似砧隨處西風
能觸物當空明月獨知音乍涼不寐偏盈耳靜

夜長鳴雜鼓琴應是蓐收嫌寂寞做成商調答
清吟

郡史林景山見寄賡縣尹王庭槐詩因次
韻二首一簡王尹林掾一以自述

客中相遇最相知官務紛紜理亂絲井邑近來
多惠愛簿書老去少奔馳換鵝墨妙公餘事放
鶴籠虛客到時守分不踰為上計世情機巧却
成癡

燈下功勤老硯知何時心緒似遊絲一天細雨
侵人冷半世流光背我馳溪屋且宜捫虱話海

波未是釣鰲時偶然自得忘言處默坐書叢絕
類癡

送師魯倅廬城

金斗城堅淝水流淮西重地控衿喉屏星勤駕
常侵曉鬢雪新添獨耐秋橋板照波飛騎遠弩
臺過雨老僧游但令民物沾恩澤田里熙然共
解憂

送劉仲彬

天塹僅同衣帶水霎時搖過渡頭船半簾霜月
雷孫館兩岸江淮共一天鏡裏年華催綠鬢屋

西山色擁青
檀月娥裁得
緋衫就桂子
風高待
着鞭

送艾秀才赴京二首

太液三山駕碧
鰲五門遙望
鬱金袍虞廷
諫樂
夔功盛漢殿
賢良董策高
塵散海橋觀
白象酒
香官務薦黃
羔椿翁近在
詞臣選親聽
當朝說
鳳毛
天祿青藜照
夜深校書重
喜得劉歆牙
牌帶月
趨樓殿馬轡
牽春過柳林
照眼西山懸
屋角近
人北斗在天
心新年忝預
南宮試把酒
論文擬

盍簪

送奉使宣撫護都右丞時迺太平

面承天語出京
華春滿江南
百萬家碧落
雲開
懸月鏡青山
霜晚避雷車
太平之名曰青山
恤刑宛合
虞朝典道遠
如乘漢使槎
原隰咨課王
事畢歡
浮玉色見褒
嘉

送天門山長孫伯明歸富春

熱官何似冷官
尊講席橫經
聖道存春雨
蛙鳴
聞鼓吹晚潮
魚上富盤殮
亭松滴翠籠
書榻池
藻吹香度戟
門莫學嚴陵
便歸隱詔黃
換取被

新息

探梅

東君消息乍來時
訪問江頭慰所思
踏雪自行新霽路
向陽應有半開枝
遙知暖意回苔幹
驚喜寒香度竹籬
又恐重來花爛熳
細看蓓蕾最相宜

輓戴母劉氏 旌德縣大族

梅巷愁滿雪寒天
無計能留住百年
禮義防身閨闈肅
誦絃盈耳子孫賢
銀綃錫命旌高壽
玉樹藏輝慘暮烟
烈女傳中名可續
詞垣正有筆

如椽

題賢母傳 太平縣汪外志先主作傳

仙尉曾資內助賢
寸心貞潔對青天
教兒書積千餘軸
守節家居五十年
獨對殘燈了機杼
不將明鏡照朱鉛
老來福慶人稀有
善行垂光太史傳

登高凌歌臺

粉黛香消輦跡荒
雨晴菊意媚重陽
長江落木秋無際
短帽西風鬢有霜
千嶂馬騰環重鎮
萬松龍舞蔭禪房
英雄多被繁華誤
蜀雪湘雲舊

恨長

題青田劉氏園亭詩卷

劉履道為太平學正求賦此詩

湖光近接少微星玄鶴飛來洞不扃天雨好
蒼開桂苑地栽脩竹似蘭亭文魚躍水憑欄
看黃鳥吟春隔對聽江左芹香解留客故山
有夢繞銀屏

送李生赴金陵

長途雨過息塵埃馬首鍾山隱
以來李絳須登龍虎榜謫仙重上鳳凰臺
芸囊罽葉逢晴晒雪屋燈花冒冷開
志士行藏隨所遇豈無當路為

憐才

輓師魯監郡

龍錦須恩雨露馨西風吹得鬢星星
牧民遺澤流南土開國殊勲起北庭
佳菊滿軒開酒案甘棠隨處蔭碑銘
侯封大郡光泉壤寂寞窮愁老淚零

輓陸茂先

與君數日不相見無病一宵驚
已亡伯玉行年方五十董仙種德
異常雨荒庭外江山樣烟鎖城西
祀菊莊身後傳家今有托已聞詩禮在

賢郎

歲暮即事

慰藉情懷臘酒香
光陰背我去堂上
驛梅初破兩三蘂
官曆唯餘五六行
斷送殘年多雨雪
逢迎老境是星霜
街衢擊鼓驅儼出
却喜邦民共樂康

凌歊臺

在黃山山
舊名浮丘

西晉山河決勝秋
旌旗捲影入浮丘
離宮滿貯三千女
霸國纒攘數十州
塔鶴泣雲憐廢迹
江鯨噴浪洗餘羞
詩人興逐巴潭遠
不道秦關老

涕流

蛾眉亭

遠望天門
山如蛾眉

山川一統渺無邊
喜動雙蛾黛色妍
天地氣通門戶闢
江淮境對水雲連
藤烟翠濕靈鰲脊
桃雨紅飄躍鯉肩
星斗入簾毛髮冷
清樽更弔錦袍仙

觀瀾亭

為監郡清卿賦在蛾
眉亭左監郡所創

江頭下馬俯驚湍
懶把嬌娥作意看
鯨背風烟詩客遠
酒邊花木醉翁歡
日斜淮浦漁歌近
秋老吳天雁字寒
萬頃銀河生脚底
乘槎何似倚

欄干

采石

絕壁高寒天與鄰倚江樓閣萬魚鱗獨招烏憤
騎鯨客豈有朱衣躍馬人天塹方今無所限蛾
眉從此不須顰荻芽綠嫩河鮑上呼酒巷前管
領春

四望亭

在白茅山桓溫歌舞之地舊名楚山以其歌白紵遂名有桓公井

松聲如訴老桓姦白紵織歌污楚山南北東西
脊眼底古今興廢夕陽間半天荒井泉蒼碧千
載殘基碣蘚斑萬壑清風掃遺臭野僧雲臥竹

陰閑

謝公池

在青山謝元暉宅前

鏡天徹底見纖毫昔日詩翁注硯槽老虎跑開
山頂脉蟄龍送出地中膏藥籬護碧巖星漢茶
鼎分香煮雪濤遙對澄江淨如練我来漱石亦
清高

太白墓

墓前有石蓋如筆竹葉皆有金星

自別金鑿抵夜郎江南有夢到君王酒酣采石
風生袂屋老青山月滿梁龍管鳳笙遺韻度筆
蘆星竹借文章雲飛荒野苔碑斷時有詩人醉

一鷓

葆和觀

即元暉宅有謝公池

曾是元暉舊隱居
忽看珠境現仙都
池漚畫涌泉根活
巖木秋凋石骨臞
栗殼黃腴猿嘯子
松巢碧冷鶴溫錐
道人鍊罷芙蓉鼎
紫玉蕭橫鳳繞梧

三湖

卅陽石

三澤茫茫一碧連
白蘋風起掉歌傳
樹頭烟浪浮沉日
水底星河上下天
葦長新沙雷雁夢
草經斷磧濕蛟涎
何當結屋瓊瑤窟
買取臨隄二

頃田

碧雲亭

橫碧雲間千嶂開
風高廢堞雁聲哀
飲殘杯酒不成醉
望斷佳人渾未來
幾欲排雲叫閭闔
便當有路到蓬萊
池蓮對客應知意
帶露盈上淚滿腮

江東道院

即太平府治

福地渾無案牘塵
黃堂清靜控江津
仙凡只隔門前水
僚吏常如物外人
衙鼓晴敲琪樹曉
戟香暖透碧桃春
政平訟簡恩波遠
勝讀黃庭禮

王晨

姑孰溪

映帶城隅地勢雄昔稱重鎮大江東萬山中斷
飛銀浪一曲西流臥采虹夾岸樓臺楊柳月對
船燈火荻花風釣魚臺下鷗如雪我已忘機似
海翁

有采虹橋及亭
端州釣魚臺

慈姥磯

斷隴橫空鐵骨呈舟行冒險客心驚蒼熊突入
半江臥綵鳳飛來踈竹鳴新港抱山浮樹影怒
濤觸石帶風聲丁蘭廟廢人還葺世遠猶存孝

子名

泊吳興

屋覆長橋客艤舟玻璃窟宅冷涵秋塔穿雲來
萬松嶂水注城心兩岸樓列肆晨喧分海錯重
簾晝捲起吳謳玉堂翰墨多遺迹安定祠前更
少雷

登尊明閣

在江浙貢院有
先聖燕宮像

中和氣象儼如生下俯吳山一芥輕葦舍萬間
星拱極棘林四面鐵為城海潮起立風雷壯天
宇低垂日月明梯躡青雲重到此更無弱水隔

蓬瀛

宿遷義塘早行

土竈燈殘洗飯盂
旗車帶月駕疲驢
脚添重鞮寒如鐵
氣拂踈髯凍結珠
荒塢宿鴨喧雪樹
平田飢鶉啄霜蕪
峒嶠漸遠晨光動
野店逢人問道塗

制城客館晚宿

烟壁風樵幾歲華
甕漿温酌當供茶
募根作菜甜如芋
粟飯登盆細雜沙
病姬暖煨蘆席炕
小娃夜紡木綿車
掩關且擁重衾坐
蘇子油灯屢

結花

至沂州訪同知彭允誠夜飲鄒平仲馬元

德善仲良在焉

允誠與余甲中同領鄉薦

野人處上頌能官
久別允當刮目看
清話忘眠將達旦
巨觥連酌不知寒
一時賓主歡娛甚
四海交游會合難
莫負平生經濟志
從來功業出儒冠

沂州紀事

馬蹄踏雪入沂州
山擁孤城水左流
瓦甕春浮黃米酒
鐵缸凍結紫蘇油
屏車念舊携賓訪
閭

幕知名遣使留酌別東郊人滿道餘情未已立
凝眸

山東山行至絕頂

地峻清寒刮鬢毛烟林雪麓幾周遭乾坤萬國
風雲濶海底諸峯日月高遠埃忽逢心少慰小
車難坐足頻勞蓬萊不隔千餘里便欲飛身踏
翠鰲

過穆陵關

層冰積雪蔽巖扃絕頂高寒酒易醒鐵壁重圍
天設險石梯萬級地揚靈國家混一無南北州

境綿聯別苑青俯視人間懸絕甚紫薇垣近手
捫星

益都城北三十里有郵亭名白羊鋪壁間

石刻張夢臣學士詩一首乃至大辛亥未

茅時所作其詩曰迢迢長日路途間兩字

功名抵死難豈為身榮愛奔競正緣親老

逼飢寒雲霄附鳳心徒壯客館無魚缺自

彈百畝薄田容易辦也應無夢到長安僕

因次韻書事

巉巖路盡困泥間一步猶如百步難漸見雲開

天日近何嫌歲晚雪霜寒客中野飯身偏健車
上冠塵手屢彈最是慈親念游子久無書信報
平安

次蒲臺

曉屢集似鳥投林密柵綠墻布棘針冷霧障天
雲木暗暖風着地雪泥深濟流東去長歸海蜀
客西來遠貨金喜遇采江香醞賣一尊丸貺慰
鄉心

滄州五龍池

帝遣神鱗變化雄圓湫澄碧隱幽宮天浮片影

星芒動地湧靈源海脉通五色蜿蜒遺舊跡一
方潤澤溥玄功我来亦待風雷信燒尾桃苍暖
浪中

次鯨川

即長蘆

北來州郡謾紛紜喜見連甍插翠雲萬貨鬻廛
人四合兩州聯境水中分道間晝擁鹽車驥橋
左宵屯鼓壘軍呼酒灯前沾醉後青綾被冷火
微熏

立春日至霸州

陽隨脚底鞮寒消行過平堤十二橋官府迎春

牛擊碎車輪輾雪馬行驕草荒高閣存孤壘柳
夾通衢接九霄從此東君當刮目杏苞消息到
非遙

歲除日至都城

絳霞晨現太陽邊遙望金城萬雉堅
踏陰連三百里禁荅香繞九重天
喜看太史須春曆阻侍慈親守歲筵
拂拭霜衣無旅况御堤塵軟共揚鞭

嵩溪詩會

亭樹陰中共倚欄春雲藹上出毫端
嵩泉香透

銀箋滑溪月清分雪枕寒官久厭懸龜紐重客
來不放蟻觴乾南歸衣拂京塵汚喜見驪珠落
玉盤

次韻嵩溪悼馬

帝選龍駒不泛常特搜下土遣王良躡雲疾足
應先逝戀主真情恐未忘月滿瑤池飛馭遠塵
棲金勒舊槽荒如君自有方臯眼天駟儲精午
位陽

瀑布泉

懸流飛落大峯尖千丈中涵萬縷織河漢機空

重雪練石巖戶闢掛冰簾白龍倒噴天邊雨銀
浪急衝江底蟾薄暮香爐紫烟散卧聽冷響入
松簷

鶴籠

相依蕙帳貯仙禽不似松巢結在林月色穿來
窺瘦骨露華飛入憂清音寬容聊息雙輪翅盤
促難拘萬里心童子放開欣客至孤山祠下迹
堪尋

秋江鴈影

西風不動楚波涼倒浸征鴻帶夕陽雲母屏間

箏列柱水晶宮裏字成行紛如鵲映銀河面孤
似鸞窺寶鏡光幾見蘆汀飛起處冷涵數點在
清湘

鴻門

寒侵玉帳酒闌珊鐵甲重圍意度閑真命未應
遭虎口至親猶解護龍顏一雙白璧雖歸楚萬
文朱光已滿關亞父不知仁義主至今遺恨在
人間

貂蟬冠

尾裁丹黑螭紋蒼簪插纓垂列廟堂毳錦柔溫

搖采弁翼綃清潔附金璫駿驥制度存遺意獮
豸鋒稜接後行台鼎選賢非狗續玉階風露鬢
邊涼

晚渡
下馬江頭綠草生蒼童咲指暮潮平得風先送
孤舟渡過岸將為萬里行宿雁隔烟沙際沒寒
鴉帶日樹頭鳴多情最是津亭柳歲上逢人費

送迎

送毛公禮

賢網如天覆九垓擬看展翮起蒿萊膺門世重

登龍譽雄賦人驚吐鳳才歲月辛勤存鐵硯風
雷浩蕩接金臺江南鼓篋忘岑寂雪夜挑灯卷
屢開

送小毛秀才

北望穎川雲樹深江南風雨幾沾襟一千餘里
遠為客三百五篇常究心待用能全和氏璧知
音未負伯牙琴論文晝永相忘處棣萼生輝照
士林

御史大夫帖木哥公致仕

正是當今耳目臣急流勇退足全身江南開府

臨諸道林下休官見一人日月旗常功烈著烟霞窓几性情真公孤論道思元老恐有蒲車出紫宸

送李好古赴西臺御史

天花剪玉澡英姿綠萼梅招夢裏詩百二山河勞跋涉九重耳目寄詢咨錦袍召對金鑾殿寶墨留題太液池正值長安巷滿路青駘騰踏轡如絲

送張太初赴西臺御史

開國功勞出保州武攻文輔世王侯星垣柱史

承嘉命天府神都紀勝遊霜草不藏狐兔穴烟
蒼又繞鳳凰樓驚心時事紛紜甚應有封章告
遠猷

送哈德卿赴內臺御史

駘蒼照地轡絲輕烟柳陰中望禁城豸角鋒稜
新憲節龍頭文采舊儒英霜飛白簡朝巍闕星
拱鑿輿入上京側耳諫垣聞謹論應須有志在
澄清

送曾道士

青牛躡月五雲京袖得琳書度上清琪樹陰籠

玄鶴陞碧桃香引紫鸞笙踈檣銀浪浮天影內
昂金丹鍊日精小別千年飛馭速清風何處步
虛聲

送集慶教授博淵泉

四薦科場筆有神三為博士甌生塵江南學校
尊昇郡海內英豪讓國人青鏡忽看霜入鬢玉
堂行與月為鄰臨岐無限雷連意已覺風雲滿
要津

送江子宜赴京二首

宋相古心族任
湖州安定山長

芹波香接水晶宮老筆生苓氣燄雄安定教條

行浙右古心家學振江東書閑清晝茶鑪沸官
滿多年俸篋空臺閣知名新有薦輕舟北上趁

南風

金水河環萬歲山客中隨友看朝班風雷變化
魚龍海日月東西虎豹關石炭晨炊倉米老土
林寒酌甕醪慳慈親應有門閭望捧得天書及
早還

送陳唯道赴廣東憲史

臺柏相看耐雪霜天南行役汴長江繡衣香裏
風生葦綠綺聲中月在窓海樹迎人馳曉騎蠻

蕉對酒別秋缸
紛七貨利無心取
時吐嘉謀慰
遠邦

秋日述懷

一羶雖吟寄名邦
却愧辭巢燕子雙
風送霜華來短鬢
秋隨雁影落疎窗
甘霖透地晴觀稼
缺月當樓夜聽江
佳客相遇常滿座
清貧每欠酒盈缸

登樓

吟邊萬象寄憑欄
露柳烟蒲不耐看
天地一時秋氣動
山川四望客懷寬
稻荅飽雨搖新霽
蕉

葉招風送早寒
短褐蕭七知己少
任無魚食缺休彈

送賀憲史赴廣東

英才遠用出儒庠
自喜參承繡斧光
粵雪夜寒飛海嶠
蠻煙曉霽避風霜
紉袍清挹芙蓉水
柳枕茸裝荔子漿
北望鳳臺真捷徑
先將文采動遐荒

送張文貞赴內察掾

紫禁東藩望太微
雲霄捧足去如飛
秋庭展牘霜隨筆
晨馬趨朝月滿衣
瓦釜朱陳噓石火
葦

簾灯寐閉油扉澄清坊裏行蹤熟直待君恩寵
賜緋

送張庫使

白雲館下舊藏脩薇劄隨身賦遠遊寶婺儒家
傳禮樂金陵官帑試才猷孤山雪月寒梅屋兩
浙風烟畫板舟最是雙親皆永壽捧觴獻歲栢
香浮

送趙心道赴番禺令

去天萬里海南邊甘露清泠洗瘴烟邑附羊城
民按堵路通獅國賈開船荔枝雨後千巖麗柳

葉雲間百粵連玉節金符皆大府喜聞子賤晝
鳴絃

送邵克忠赴武岡照磨

七十二峯樓幕下諸侯賓佐六曹師簿書踈少
尋詩酒城郭蕭條罷鼓旗烟濕猿藤騎馬處雲
連龍瀑倚欄時蠻溪警絕官無事月照秋蓮泛
碧漪

送姚秀才歸桃源

客路隨身一束書凌雲氣似馬相如孤灯江館
厭紅粟三月淮鄉多白魚遇世豈容淹楚璞到

家唯喜奉潘輿桃源雨霽春如錦更望瓊林款
駐車

贈江有源

紫芝雲冷隱臞仙起傍星垣步列躔世學有源
難墜地客遊無處不談天秋窓攬鏡風欺鬢夜
榻評詩月透箋臺閣公卿暫畱住幾回訪我話
流年

送朱州志

闕里古今唯二處新安地望魯邦同諸賢祠墓
遺蹤在兩族雲仍舊譜通山市醉遊春幔綠溪

窓清話夜灯紅歸來又振龍溪業新額榮光照
學宮

漂水湖鄉夏末述事二首

淺碧湖漪沒草萊柳陰坐石浣塵埃流光元我
添文債溽暑酣人却酒盃六月魚龍隨浪起五
更風雨送秋來離家見說門無客烏雀羣飛啄

綠苔

是日丑時立
秋風雨六至

江海機心久已灰白鷗見客莫驚猜天連一水
山浮動地接三州踞拆開野豎衝炎耘稻去掉
即唱晚採菱回征塗亦有歸田夢意恐清盟負

菊梅

館中山朝元觀作

自出徵租五十日朝元閣下首頻搔客中喜遇
故鄉友秋後自憐疏布袍老火流空聖霖兩西
風入湖飛雪濤扁舟又欲渡江去桂影滿身明
月高

鎮守太平楊侯致仕

金虎橫腰世爵傳功成謝事享高年營家綠野
閑方樂報國丹心老愈堅刀劍于今買牛犢堯
鑿自昔換貂蟬江城久駐多遺愛軍政承風尚

肅然

次韻徹通理秋日驛中二首

幾年江海擬同羣又隔鍾山一片雲驛路秋高
人漸遠征袍霜重火頻燠臺臣鶚薦多知己天
子龍飛舊獻文我亦南宮老詞客何時把臂慰
前聞

驚看冀北馬空羣閉戶探玄學子雲獨念邦家
情未已何心富貴勢如雲典謨揔是經綸事館
閣應需黼黻文安得灯前一夜話平生傾倒叩
奇聞

送鐵元起監歸州

川口通衢熊繹城兒童竹馬走相迎
三巴草樹春浮動萬舸風濤雨蕩平
晚市炊烟連白帝曉山旭日射紅旌
政成當入蘭臺選熟路霜蹄上玉京

送李國用赴宗文山長

鷺湖朱陸講道處書院獨以宗文名
古今自有易簡理經註皆同日月明
蒼嶂曉蒸鉛水濕黃簾夜度燭烟輕
交承是我同年士為說故人華髮生

前山長孔曉字子充余同榜友也

送東川山長張彥深

去城一百二十里川上化為絃誦林
西塾青檀三閱歲東籬黃菊獨知心
驚車使者裁霜檄鳳閣銓曹傳玉音
我亦檀襟更清淡喜看雲驥驟

駸上陶氏之族

寄宣城學正徐伯初

辛卯秋同考太平堂試

官燭依然淚滿臺望中溪嶂似蓬萊
登樓幾度碧雲合對酒獨看明月來
松葉連簷霜後好梅蒼喜客臙前開
榻檀未覺如冰冷弟子森上育異才

宣城謠云松連蒼出狀元

送黃文敬長岱山

都門烟柳去年時回首文光照島夷
半石琢成司寇像空庠留得侍郎祠
坐看賈舶分鹽利自笑行囊少俸資
最是郡城文獻地不妨來往結相知

輓湯子允

故家積德經幾世此老享年逾七旬
先向蒲塘卜風水免看淮境動烟塵
雨窓竹石存遺跡月館琴書付後人
不見瘦筇扶鶴骨市橋揚柳亦傷神

次韻二首并序

慈溪劉中可為姚江學官去家無百里其父字
隱之因來視焉天倫至樂藹然庠舍婆娑嬉遊
觴詠咲談旬日而歸適余來後不及瞻承而與
中可締交觀唱和諸詩縉紳傳為美事且教子
入官父之志也得祿奉親子之志也以志養志
俱賢矣哉乃倚歌而和之
雨後芹池長綠波幡然來此聽絃歌舟輿熟路
江頭近父子歡情客裏多春館稱觴衣舞綵晚
窓題句扇裁羅咲看清俸供甘旨奈此廣文官

吟何

石上綸垂碧海波山中興在紫芝歌先生閱世
身長健當代求賢意正多老驥獨能諳步驟冥
鴻全不被蒐羅浙東文物從前盛如此期願有
幾何

中何送樊照磨

與庸田官履餘姚
早田田紹興郡幕

都水使輶江上駐郡僚馳驛共經過早田官賦
今蠲免屬邑民瘼更撫摩水堦歸舟賒月色山
家冷竈借陽和蓬萊清淺神仙府歲晚梅花照
碧波

三月三十日費安中山長告别走賦六首

春融辟海講帷開有客携經萬里來天下名人
半知己芹邊冷席獨淹才東湖時雨沾膏壤北
斗文星貫上台回望當年舊遊地蒼茫烟樹隔
金臺

右送安中

去年見客問相知射日如何却中眉安定教條
西浙盛堯夫易學後人疑水晶宮裏風烟爽琥
珀盃中歲月馳誰念姚江未歸客蕭上詩鬢忽
成絲

右寄察德元

南潯鎮裏新文學姑孰湖陽舊世家兄弟從戎

多武備師儒掌教盛才華林巒勝處春携履風
雨聲中夜煮茶去歲相逢便相別故人千里寄
漁槎

右寄邢彥賢

雪水雨中曾共飲錢塘秋半又相逢可憐過眼
日五色還歎扣關天九重才似稱衡當薦鸚識
如太史更登龍偶因人去傳消息見說盈門士
子從

右寄金仲宣

我本江東一布衣十年較藝到京畿欲從彭澤
尋歸路且學嚴陵坐釣磯山月度牆窺吟榻海
潮帶雨過晨扉天台客至因畱話一咲揮盃興

欲飛

右述懷

來自東郊曾遠迎今朝有意惜君行落蒼風裏
一杯酒芳草天涯幾日程正欲園林娛賞興又
教鶯燕動離情臨岐預約相逢處信到梅梢白
玉音

右送春

甲午六月旦日登嶼山觀海

脚底潮生鼓萬雷浪頭隱隱白雲堆諸州地到
海邊盡外國帆從天際來但見中間浮島嶼不
知何處是蓬萊平生登覽今朝最髮髯珠宮貝
關開

送豐粹良

雨添新水長蒼芹一片書聲隔屋聞講席青氈
雷傲兀官倉紅米代耕耘諸侯賞識璫璣器學
子爭傳錦繡文自是吟官難久住出門有路踏
青雲

送戴生

姑孰亭前綠藻肥會稽山上白雲飛四郊兵氣
頻聞警一榻燈光只夢歸舟子爭潮喧熟路海
魚脩饌奉重闈姚江在望渾非遠肯踏梭船訪
釣磯

送湖北憲僉亦普刺金

金斧霜威壓將營烟塵不犯石頭城當朝天子
為知己列郡鄉民搃習兵鄂渚山川何日到于
湖風浪一時平舟師好渡螺磯去江上游氛易
得清

送太平路同知王庭珪

隔江塵起動邊聲采石波濤夜不驚台鼎調元
延世賞倅車佐守厚民生近來壁壘添烽火未
見天河洗甲兵月滿空船歸思切望中棄梓是
東平

送馬仲雲

兩浙繁華第一州
宦情更喜挈家遊
吏曹環立看揮筆
明府相過聽運籌
雪水晴浮金板舫
虹橋春躍紫苔驢
羽書近日傳邊警
未暇絃歌醉酒樓

壽大本監郡

四月清和當望日
壽星光滿太平城
香凝燕寢諸侯貴
鼎鍊龍丹九轉成
循吏傳中書治行列
仙籍上注長生錄
陰亭館薰風爽
玳瑁筵前進玉觥

賀郡守靳處宜病起

病中猶不廢承宣
臥治江城搃晏然
自是憂民勞守相
正緣換骨作神仙
雲間老鶴精神健
雪後寒松節操堅
今日朱轡乘輿出
歡生童叟擁街前

清和

輕爽新暄皆可人
四時佳候一時均
渾無暑氣似秋天
半似春滿地槐陰連
曲徑透簾日色度
芳塵伯夷下惠能
同調畫永從容樂
意真

壬辰清明日客有携酒城東邀陳致中謝
行可程子舟馬希穆及余遊月盤洞天偶
遇張文泰遂同飲歡甚行可以老杜清明
詩次韻紀事因就韻賦
千門挿柳綠含煙陌有輪蹄水有船
蒼下酒盃堪獻醉松間山路更攀緣
仙童見客頻留坐飛鳥依人每可憐
席展園亭殺雜進粥香鄰竈火新然
有閑愛結漁樵侶無術能飛子母錢
自咲勞生空擾七欲求鼎藥為延年
閉門且免走西東時事無聞絕似聾
幾處干戈

猶不息一春桃李已成空唯餘山水長清
飄未見車書遠混同吟節傷神登墓道
禁鍾未夕慘江楓青山舊宅南歸後
白日浮雲北望中欲效微才今未用
滄波其分釣魚翁

出金陵望茆山

蔣山過後見茆山翠幄三峯異世窳
方士虎騎崖洞出伯仙鶴跨海天還
劍光夜照星辰白丹氣春騰草樹班
欲覓隱居吾鼻祖松風樓上聽潺湲

過平江

錫山回望上亭孤百里風烟遠八吳虎阜雲開
晴見塔楓橋月落夜聞烏依上楊柳環新郭渺
上波濤接太湖可惜捧心人去杳大夫遺廟鎮
姑蘇

岳王墓

十二金牌發帝宮儘憑詭舌害元功君臣樂土
偷安遂父子邊庭屬望空莫掩青山千載恨常
懸白日寸心忠英靈只在棲霞嶺塚對無枝偃
北風

寓姑蘇半塘寺

息程來借贊公房暫泊扁舟向石塘苔暎烟蘿
浮竹翠風簷蒼雨發天香僧依法座持仙梵人
扣禪機入道場明訪虎丘應不遠雲邊樓閣擁

青蒼

虎丘

海湧危峯翠拂天瘞來池劍化蜿蜒樓臺隱映
王珣宅剡石荒涼陸羽泉古塚月明無踞虎芳
林春盡有啼鶻名山勝境關情久祇為尋登一
繫船

昆陵道中

孤帆斜日領舟行遠道無山為送迎沙店踈籬
堪問酒烟村高樹不聞鶯一灣野水鷗波靜到
處蘋香客思清莫嘆飛蓬類踪跡成名自昔在
書生
復至金陵
望裏鍾山擁翠螺金陵道上又經過韶華信比
當時盛親舊原非向日多紫陌塵飛金勒騎紅
樓酒醉玉人歌獨憐卞壺名忠節汗竹千年耿
不磨
除教職

孤劍頻年兩鬢殘飛騰每切寸心丹喜持黃紙
新除重那厭青氈舊業寒楊柳晚風嗟客路聖
賢心事付儒冠也知衿佩相親處日與敷宣坐
講壇

秩滿避亂

吟官黌舍數年過秩滿其如世亂何衿佩有誰
談禮樂民生徒欲避干戈歸閑故里青霄遠臥
病衙門白髮多江上薜蘿烟雨裏何時重聽太
平歌

世氛久未息書悶

開極規模自有初舊章併擾竟何如原頭烽燧
誰為息海內兵戈孰可除偃月堂深資鬼域伏
波軍老縱鯨魚疇能一吐平淮策與爾排雲謁
帝居

重至金陵喜熙朝建都

聖王開極坐金鑾整頓乾坤始得安景運河清
并海晏江山虎踞更龍蟠四方寶貨梯航至百
辟衣冠雨露寬從此昇平千萬載黎民擊壤罄
交惟

送孫伯融摠制赴括蒼

遠携行伍定安危况子才高邁等夷勇息煙塵
今日計道經邦國古人為撫綏黎庶通息澤揮
闔風雲刷羽儀文武功臣頭尚黑熙朝重見太
平時

寄劉伯溫宋景濂二公

水溢中原又旱乾風塵從此浩漫七東山好慰
蒼生望南國那容皓髮安要整綱常崇黼黻還
成文物萃衣冠聖賢事業平生志幽樂何須戀
考槃

喜伯溫景濂輩至新京

東帛徵賢出礪阿來從明主定山河
據才要濟邦家用為治當調鼎
鸞和定見百年興禮樂先從四海
戢干戈當朝輔佐侔伊呂汗簡芳
名耿不磨
哭孫伯融
陸梁未息竟亡身誰為祛除四海
塵幣帛敬惟招俊乂死生端只念
君親丹心故國江楓曉白骨他鄉
塞草春不是交游重相感幾多悲
戚為斯民
龍江閱兵

諸將桓桓總虎熊戰船部伍列兵
戎白虹光射腰間劍青鵠膏塗臂
上弓千里生民應按堵陸梁小醜
定潛踪戎衣一着天山定文德由
來濟武功

康郎山應制

閭闔鳴韶發羽旄群峯青迓鬱金
袍臣民喜觀天顏近車駕遶臨地
位高警蹕飛廉經梵刹行厨光祿
進仙桃真龍到處多奇勝風捲雲
松沸海濤

送夏允中總制浙東兼巡撫
洪武初元

九五龍飛始建都廷臣領命出分符要參將相
施韶畧直使山林盡兔狐鐵騎曉騰霜氣肅王
笳夜奏月輪孤皇仁遍布東南境綏恤群黎萃
版圖

陶學士先生文集卷之三

陶學士先生文集卷之六

七言律詩

戊戌新春同遊蔣山即席賦

時維正月初五日人在鍾山第一峯石磴輕風
隨馬去寶珠佳氣結飛龍四方文物成嘉會六
代京都覽舊蹤我亦追隨冠蓋後未容歸隱撫
孤松

寄董貫道

十年不見董貫道一書忽到金陵城越山帶雨
生秀色山月照人知此情客裏鶯花空隔世國

初文物類登瀛倚樓幾誦停雲句何日尊前意
氣傾

次韻賀汪炳叔董貫道二典籤同寄諸博
士余掌兵曹與博士廳隔一壁耳

虎旅傳呼曉坐廳千官如拱北辰星晝長館閣
無塵到時誦文章隔壁聽席上息光在蓮炬杯
餘風味想茶經諸賢同力扶持處紅日升天破
晦冥

壽詩

天地結成龍虎氣廟堂倚作棟梁材軍民遠近

歡聲動吳楚東南壽域開大將風行威萬壘老
人星現近三台年上好景逢秋九黃菊香中捧
玉杯

送陶伯仁

白雲已逐東風去桃李曾沾化雨恩江左名都
新作客山中稚子又迎門芙蓉光射蒼龍昂菊
樹香飛綠蟻尊奉檄南歸如衣錦一簾溪月坐
檀溫

送張復亨

玉帛邦交自古然使軺來駐紫薇邊從容愛說

留侯事坐問能知伯玉賢鯨海風生喧沸昂鳳
臺月白照芳筵試看南北今如此必有英雄可
合天

庚子三月十七日

上登忠勤樓幕佐文士皆在焉因命各賦律詩

一首即事而成

雨添溪水碧粼粼夾岸人家柳色新南國山川
遙在眼東風魚鳥捲知春連營插戟屯堅壁驕
馬如龍踏軟塵上相倚樓頻指顧幾多仁愛在
斯民

上命賦詩送樞判吳國興回鎮建興并寄其弟

元帥國寶

二百年前說兩吳中興功業滿邊隅弟兄今復
為良將英勇俱能敵萬夫怒斥鯨鯢潛巨海平
驅士馬獵姑蘇無心宴樂軍中肅要挈山河入
版圖

次權伯文韻并以送行

時庚子仲秋之六日也伯文廬山人

瀑泉噴落大江深懶棹扁舟釣柳陰鶴禁烟卷
春浩上龍門雷火暖駸上路隨山勢孤懷壯風
動天機萬籟吟東閣呼茶清夜話試將寸草叩

洪音

稻田秋雨一犁深江上樓臺綠樹陰使客輶車
來穩七王侯版籍會駸七精神獨得驪黃外騷
雅元非蟋蟀吟左轄才兼文武職拱聽當宁賜
俞音

秋夜懷友寄秦伯容太守等

夜永懷人頻有夢日來作郡到無為江淮漸見
干戈息草木先承雨露滋家累相忘勤國事郊
行遍問撫民瘼西風依舊秋容好未暇登高醉
片時

我憶西廡劉博士手提判筆坐黃堂意高自與
青天遠事簡偏知白晝長夢裏江環儀鳳閣望
中草長臥龍岡人生出處皆由命先試竒才定
一方

山前寄林彥明

瀛洲學士跨征鞍巢縣遺民得好官傍市田疇
逢歲稔隔江風雨動秋寒庭前吏牘敷陳少兵
後人家愁頓難西掖簾垂耿予獨暮雲飛鴈幾
憑欄

寄董貫道

蘭漿來從浙水東蓮燈照入玉堂中風雲變態
兵機速河漢為章筆意工淮邑士民求世治湖
田蠶稻得年豐有才且莫哦松下膂力經營早
進功

送清涼寺長老凱翁住持義烏雙林寺

山前雙樹翠成陰彷彿祇園地布金大士除疑
融聖教老禪說法震雷音定中隱上聞清磬別
後迨上鬱此心回望石城煙寺遠一江風雨有
龍吟

贈鎮撫田無禽

字有常字天字真

鐵馬牙旗將帥才捷書頻到鳳凰臺陣雲護壘
軍容整塞月窺窻旅夢回橫槊賦詩江海靜舉
觴酌客菊梅開囊書讀罷憑高閣溪嶂秋清紫
鴈來

送別

將營劔甲氣橫秋幕府衣冠坐運籌天下義師
同滅楚蜀中帝胄已興劉星軺將命來華省錦
誥覃恩遍列侯歸向轅門宣主德滿城歡意動
貔貅

故人劉彥英見過喜而賦詩

壬寅二月十五日

十五年前遠別離空江明月渺余思間關兵後
真竒遇談咲尊前似舊時自古晚成為大器當
今勝看出殘棋國家所寶唯賢俊且使蒼生一
展眉

偶見

前乎萬古後乎今天體高明地體深要識此身
超衆物只緣真理具中心紅爐有燄消融雪黃
壤成堆棟出金枝屨出門行不巴泰山絕頂許
登臨

憶別三首

七年同在省東廳回首征途夜戴星南國遠猷
資幕府西山爽氣挹江亭壯年報國心常赤
賢主知人眼為青鴻鴈未秋音信少每思好語
似蘭馨

龍虎韜雄贊紫樞鳳凰池好占洪都文章光燄
無如李疆域西南本屬吳戡定有謀裨宰輔治
安求策禮真儒落霞孤鶩江天遠未暇登臨倒
一壺

西掖明刑慎履操南昌守郡選英豪兩軍爭戰
雌雄決百姓瘡痍撫字勞新壘入雲環井邑長

江護境壯波濤美人縹渺關情處獨立溪亭月
色高

雲巢

舒卷無心太古時悠然深處獨棲遲每依涼影
休雙翮自歛神功寄一枝氣出山川纏牖戶狀
如車蓋覆茅茨相看怡悅安居甚風雨飄搖勢
不危

雪洞

太素中含月窟圓鑿開冰玉萬重堅明生虛室
疑無夜冷積陰巖自有天琪樹飛卷迷鶴侶石

門掣鎖露棋仙玲瓏相對同高潔宛在華陽福
地眠

寄吳左丞二首

長沙爵邑舊鄱君曾駐臨川壯武勳帝室遂能
賓百粵王孫今復將三軍火旗鐵馬晴觀陣玉
帳銀灯夜話女北望金陵作鄉土鍾山佳處有
飛雲

碧桃朱閣武陵塘俯視鄱湖一鏡蒼珎羽高棲
能擇木彤弓遠教即穿楊春郊過雨游氛淨曉
壘摩雲旭日光共識平生心事白每將忠孝振

綱常

時雨為平章公作

春雲江上曉陰上膏雨知時直萬金草木搖添
蒼潤色乾坤先溥發生心新雷頻送簷苔細秀
野遙沾隴麥深今日燮調逢大手蒼生久已望
為霖

四月二日與黃觀瀾負外傳仲珪都事同
訪單德甫憲使不值

得開來訪單繡使上堂只逢雙墨君小軒雨久
長新樹近午風生驅宿雲更策羸驂尋雪洞偶

看稚子摘池芹連營萬屋無閑地小滿初晴麥
氣薰

贈孫希孟

孤懷軒豁無滯礙四坐友朋聞咲談苦茗甌中
水清冽綠槐枝上日西南雞豚布野民瘼減虎
豹瀕江武備諳鯁直復全端厚德賢如汲魏更
何慚

癸卯季夏病中

隴雲溪柳別多年棹入荷菴水鏡天心若有愆
如桎梏身能無病即神仙行吟騷國滋蘭畹夢

斷詩家種秫田充物可人皆澹泊唯存書癖老
逾堅

感懷

桃發三枝結一實仙子獻時雲開開竈突臘寒
煙忽斷簷梯夜靜月頻來征塗海岱皆戎馬故
國池臺盡劫灰松葉滿山風自掃天高未見鶴
飛來

贈人

雲山萬疊擁轅門將帥詢謀禮達尊劔戟霜明
屯虎豹亲麻雨霽樂雞豚石關阨塞清無警茅

屋融和遠有息歸觀彤庭陳骨鯁心期王業固
深根

送朱允升

年上應召赴秦淮此會留連百日偕王室議成
新制作客窓飛動舊情懷未霜荷葉迎湖路初
月梅苞映雪齋更約相逢多勝事御溝垂柳拂
春街

暮秋紀事

風塵浩蕩老朱衣草檄軍門筆屢揮九日誰浮
新酒菊十年不採故山薇借來駿馬諳人使去

久狸奴憶主歸聞說舟師又西上燈前擬策進
形扉

夜歸

綠水紅薇暮靄芬
聯裾穿出羽林軍
一街月色
雪兩馬風前去似雲橋下商船依市宿城
頭戍鼓隔溪聞到家無意梅蒼帳更作相如論
晉

寄胡仲淵

共剪秋灯對紫薇
旌旗南去總戎機
馬馳射圃
穿銀的蒼發鄉山照錦衣
拔柵每勞躬甲冑臨

風高詠唾珠璣別來相憶情無限目送寒雲斷
鴈飛

萬戶趙禎見余訪單憲使不遇之作賡歌
四章雨中來謁用韻以荅

驚見連篇錦繡文
營中將校罕逢君
投壺清致
祭征虜執戟多年揚子雲
銀甲行穿江路柳丹
心每效野人芹一窻
細雨初相識清馥如蘭滿
室薰

石頭城

鐵壁巉巖阨要衝
古來設險大江東
半天虎踞

山如舊萬壑鯨吞地更雄上國控臨吳楚郡西
藩環護帝王宮當年駐馬坡前望想見金陵氣
鬱蔥

鳳臺曉望

列嶂飛空翠幾重晨光拂樹露華濃江南地勝
來丹鳳海上天開起火龍都邑豪華超六代烟
塵蕩滌見諸峯可憐白鷺三山白金谷惟宜罰
酒鍾

鍾阜晚煙

紫翠光凝日欲晡上方樓閣隱模糊歸林高鳥

巢紗幕噴霧雄龍護寶珠點染神功皆造化留
連好處是柔榆澗松掩映同遲久莫對山靈歎
暮途

秦淮

古云天子氣佳哉誰使秦皇鑿地開銀漢西流
環數曲紫垣中起面三台每逢霖雨添黃潦更
染春漪似綠苔因此金陵都會勝兩隄煙柳蔭
樓臺

贈友

一綫岷波綠漲天蛾眉愛此錦袍仙九華披霧

觀駮馬五老躡雲來酒船鶴聽書聲秋滿屋月
隨詩步玉為田瑣窓新霽留清話唾出驪珠箇
箇圓

已上知新近稿

陶學士先生文集卷之六

陶學士先生文集卷之六

七言律詩

蠓磯

御風疑是上瀛洲靈瀆生峰倚斗牛海底龍宮
隨浪出域中鼇極在空浮川妃據險神南國造
物鍾竒抗上流天塹倘如平定日盡船簫鼓接
瓊樓

江上大風入泊櫓港

底事驚飈怒不平雄濤起立勢如爭金鼇脊上
三山舞鐵騎聲中萬鼓轟使客孤舟先入港水

軍高枕罷催程身逢險阻心逾定獨愛雲霄砥
柱擎

移舟

南岸風在北岸輕移舟近北水波平開帆不用
爭先去得路何煩冒險行赤鯉似從仙客跨白
鷗來結海翁盟人生遲速皆天定却笑狂夫苦
計程

蕩槳

雨消殘雪滑新泥風撼枯梢響古堤一霎路經
三舍遠兩行槳蕩十双齊初晴綠水浴鳧鴈落

日空山啼雉雞出得沙汀烟浪闊九華只在暮
雲西

次管時順韻

四海何人有魯連幾時樂土似堯年錦江雪浪
浮雲外黃鶴風烟戰馬前與子飄然同桂楫昨
宵忽爾夢芝田從來建業興龍地莫學稽山掉
酒船

馬當磯

低垂天宇濕青蒼西走危磯是馬當怒虎脊高
生翻語活龍鱗動閃光芒三更獨月開初曉萬

古重關扼大荒應想山靈愛詩客翠屏如削照
衣裳

曉發彭澤

清曉江風捲霧消紅衣扶漿帶霜搖波衝斷石
躡斑豹樹挂懸崖走黑貂疊七危關當險要曠
曠旭日上雲霄覓得長年知水勢應機運拖去
何驕

黃麻灘

黃麻灘前難艤舟無港無磯江直流松雲群行
似飛於山雪數點如輕鷗舉酒聽歌鸚鵡賦清

波疑繞鳳麟洲六經文字誰當寫到此臨風搔
白頭

同使者船過九里十三磯

臘脂樹邊霜滿巖層巒飛動碧如藍兩船泝流
拗七百九里有磯九十三淮甸風雲生遠近岷
江烟浪出西南擣聲搖過急湍去水鳥低飛聽
咲談

漫興

烟篷浪檝暫為居爐有茶鐺篋有書畫刻僅存
三十八里行程遠涉二千餘星辰分野明黃道軍

馬行營駐綵旗擬向轅門陳大計此來非愛武昌魚

陽羅堡

朔漢強兵此渡江前朝郡邑望風降中華君相
重開國大地山河一倚牕西楚無人撞玉斗東
都有客賦金釭上流衝要皆寧帖定鼎何須力
士扛

風雨中過陽羅堡磯

石立江中舉棹危風驅浪下建瓴垂輞川烟雨
王維畫灑瀕舟航杜老詩傍岸徐行方得穩涉

川能待未為遲惜無好酒波間酌為謝馮夷出
此奇

新年

夜月江聲艤戰船故園柳色動新年想應兒喜
閉門坐每有使來無信傳多病嘉魚未能食少
眠得句忘題箋瓊樓高爽縈心曲獨倚東風望
碧天

黃鶴樓

月借金波染素身天風吹度大瀛濱羽衣對酒
蹁躑處綺閣梯空浩蕩春有客乘雲去千載滿

汀芳草長重首城頭日暖收旗鼓擬傍闌干暢
望頻

大別山

神秀皆由造化功山因夏史望尊隆崇關磊
當衝要南紀滔此會通千古歲寒存老柏一
亭秋興感飛桐我來極目湖湘闊作賦登高效
楚風

鸚鵡洲

綠衣使者到南州處士時從黃祖游縱筆文辭
嗟好鳥動人音節振鳴璆芳洲過雨生青草感

容臨流照白頭若使才高忠義篤丹心應在注
家樓

烟波亭

簷頭斜日掛亭下俯珠宮紫貝庭江漢蒼茫
春望遠鄉關迢迢暮愁醒晴霏淡浮汀樹澄
碧粼粼浸石屏未信漁舟能領此白鷗萬里愁
霜翎

昭君圖

龍沙月照漢宮詞
毳錦衣裘換陸離君命和親
勞敢憚夫綱定分死難移春隨驕馬觀胡隊玉

立諸姬拜文師
蒼顏承恩多見棄
長安金屋亦何為

秋胡圖

春風車馬擁歸途
乘下娉婷綠映襦
尺璧絕塵心自許
千金為土眼如無
未酬堂上慈親養
誤認城隅靜女姝
何事鬚眉一男子
愧渠粉黛儻然殊

四皓圖

龍爭麻走角功名
眼底浮雲悟世情
有地采芝身遠遯
無心執玉手平衡
衣冠誤落留侯計
帶

礪愁聞漢祖盟
松下厖眉垂白雪
至今泉石被光榮

白蓮社圖

儒墨殊科混雜居
忘形擬作虎溪漁
蒼開冰雪暑不到
月在漣漪天自如
座有名賢仍嗜酒
門無時貴暫停車
東林此會何瀟灑
可是丹青得緒餘

青松社圖

天地冲融顯至仁
溪頭霽月洒濱春
滿林霜雪高標健
在坐簪紳衆理循
草色映窗青共好
棣

華聯帝秀雙陳鬢翁偃蹇真奇遇見此師生數
偉人

登瀛洲圖

天策英才聚一堂
簾櫳清晝海波涼
神仙宮闕
金銀色朝士
木冠雨露香
飄逸詞情超世出
聯翩辟羽拂雲翔
當時下土瞻麟鳳
弱水蓬萊隔
仞墻

遊月宮圖

桂影團圓舞鳳凰
瓊樓宛在水中央
白虹橋背騰仙侶
玉兔毫端挹瑞光
但覺雲霄隨步武
不

知風露濕衣裳
一場夢幻傷心處
胡馬揚塵蜀道長

太真玩月圖

華清浴後上龍樓
得與冰娥共素秋
額對粧臺金照面
光涵宮髻玉搔頭
梨園徹樂承歡暇
桂關當天為我留
翠輦何緣不同到
宵衣應是罷宸遊

次韻答徐志仁

出山意氣動人多
蒼古姿儀逼籀科
大府君侯親擁篲
故鄉文物貴聯珂
江荅香映麻姑酒
雲

錦光分織女河帳底從容勞借筋兵籌國計直
無阿

過張氏廢居士人稱卷園張

兵後殘基綠草新土荒石砌臥麒麟昔年花木
有千種今日子孫無一人當面好山遙隔水驚
心啼鳥暗傷春薔薇寂寞沾清露還似歌筵酒
在唇

四月望夜見月

半年不見團上月或是天陰或病中鏡影偏隨
今夜滿鬢華不與向時同似憐偃仰空簷下曾

照婆娑舞劍雄遙想清光千里共兒孫對此憶
衰翁

次楊舜中教授韻

模寫江山愧乏才雪堂不見老坡來炎天素扇
詩題濕晚景朱顏酒挽回與子相依淮甸川樓
身還遠禹門雷客中懷抱方傾倒吏候庭前事
又催

次韓子魯見寄詩韻

自笑平生山澤容豈能奏對大廷中天風穩舉
高飛鷗江月遙憐隻影鴻每懷館閣親三益擬

具船車送五窮應被昌黎喚我鄙何時一見亦
洪鍾

已上黃岡寓稿

過蘄州

平岡躍過半江心岡畔城墉上碧岑草舍聚成
新市井樵蹊引入舊園林七層塔在禪衣絕諸
寨兵屯使節臨三兩故人留繾綣舟行不待一
盃斟

泊江州

江雲紺綠夕陽邊江水空明海氣連一點遠帆
如白鳥數聲急鼓隔蒼煙潯陽九派疑無地廬

阜千峯直造天清夜開樽酌司馬琵琶亭下月
當船

過湖口

荆楚東疆合衆流微茫天宇一浮鷗山圍古邑
當湖口水沒平沙露樹頭處上茅茨松葉暝蕭
風日荻蒼秋何時訪友章江上共倚朱簾畫
棟樓

重過小孤山

從古開關作海門風濤不動石為根地靈內拱
孤身露水勢西來萬派吞高柱擎天環日月飛

岑起霧濕朝昏羽翰儻出層巔上直度雲霄叫
帝關

樅陽寓舍

草木重圍路不知故藏餘暑得秋遲風驚野竹
起黃雀日下晚山聞畫眉久客未成歸去計累
官更覺老來癡庭松相間榆槐綠暫展繩床坐
片時

客子

客子飄零意不憂人間到處為詩留四山掩屋
天如小百鳥啼秋境未幽古市日斜蚊蚋起廢

營草合兔狐遊偶閒步出溪亭外羨殺漁家一
葉舟

偶題

地無車馬逢迎少野色溪聲一枕秋繞屋插筍
防虎突臨池開路縱鵝游斫來紫竹供詩杖候
買鮮魚喚釣舟尚辱天官記名姓有朝移迹向
林立

無迹

鸚鵡洲邊送夕暉長江上下萬重磯元之暫寓
黃州別陶令擬從彭澤歸客裏風霜催易老山

中猿鶴怨相違青綾被上天香在數載銀燈照
紫薇

中秋

乾坤海嶽總虛明照得心曾瑩水精月色只逢
今夕好酒杯聊對異鄉傾素娥耿耿憐人獨鄰
唱騰上按鼓輕如此中秋能幾度兒曹千里各
凝情

寄示從子旻

蒼秀鬚眉一丈夫有才能稱此軀無儒家盛業
當名世老屋殘書尚滿厨壯歲光陰渾易過古

人名節要齊驅自憐遠泊淮南叟擬傍溪流撫
竹梧

寓况

樹陰一縷突窓烟野籟山柴免費錢病客再經
遷守今外郎今不似神仙投竿浪說連鼇手扶
杖忘携躍馬鞭多少可人蹤跡遠朝上相見只
清天

重陽二首

倚杖西風晚日間一江晴色照衰顏近年獨喜
行平地纔說登高倦上山亂後菊卷栽已少病

餘酒盞飲何慳霜螯玉鱠無尋處老樹殘烟自
掩關西風日開一
客居正有大龍山又有黃荅古市闌九日何緣
無節意一身猶自遠鄉關親交對景應相憶僚
佐離家盡不閑莫道明年誰尚健茱萸已咲鬢
毛斑
陽感舊
街衢樓閣幾千家掩映諸峯布兩涯嶺海路通
來貨貝湖溪水落富魚鰕十年兵火人何處極
目丘墟免可置物盛還衰從可必榮枯但看上

林荅

秋館書事

多年草樹未芟除野豕山麀走傍廬三二吏曹
來捧牘幾回客枕罷觀書秋江潮漲霜飛晚暮
靄鴻征月上初木落風高生遠興思歸意不在
鱸魚

散懷

鴈飛久絕故人書路左難迂長者車夜永燈昏
頻起坐曉來髮薄不勝梳玉珂金鑰薇垣夢野
月溪雲竹石居自笑吾生無定迹半如仕宦半

樵漁

清夜戲題

紫鴈飛投渚上蘆錦鳩歸宿井邊梧垂天太白
光先現傍月纖雲淡忽無估客舟航維柳岸漁
家燈火起蓮湖虛庭獨坐明如晝短髮涼新露
氣濡

官舍謾題

墨巷落紙照兵帷山色隨人到縣墀官事紛紜
談笑辦民情深隱揣摩知竹君笑我食無肉松
子墜衣行有詩府帖徵求如雨密軍需田賦不

愆期

千秋節

龍集甲辰秋九月天公壽旦更光輝四方海岳
交相慶諸國君臣次第歸創業情同魚水好誓
師勇奮虎貔威桐城拜舞心逾切遙望金門忍
久違

野性

紫蟹黃荅野性娛縱川秋晚問皆無得閑意到
蔬新種不飲神清酒絕沽雨氣四窓浮几硯寒
聲一片起菰蒲烟波朝暮追隨處好似扁舟泛

五湖

默坐

默坐癡如木偶人
冥心僅免痛纏身
離家作客雖無累
少食居官漸減神
仲子乘舟來省視
寒衣出笥慰清貧
牀前夜語燒松火
歡氣融為一室春

冬曉

徹夜清霜凝積草
新晴東日報初昕
山身結嵐露蒼頂
水氣上天成白雲
行子愁寒出門懶
炊夫及早負薪勤
都輸土室茅簾內
擁被遲興搢

拙薰

望皖公山

平生聞說皖公山
偶上崇岡見遠顛
螭脊踰天孤柱立
鼇頭瞰海萬洲環
高虛有境藏仙洞
威武如神衛帝關
思與英靈共酬酢
何時為爾一躋攀

東望

東望飛鴻信頗遲
未應老大命偏奇
隨舟山色曾三日
送客江流合此時
曉月栢垣思舊路
霜天菊徑待新詩
此行採得民間事
累牘須陳慷慨

慨辭

曾三桐城書事而合此却却凡林野思畫說

丹明翠膩走岑巒獨坐茅廬詠碩寬石觸溪聲
喧夜枕雲分樹影落朝盤浮屠鼎立頻經亂編
戶星稀漸得安北峽關開人馬過不聞刁斗擊
霜寒

秋浦雪中

昔時過此雪晴天今到池陽雪滿船兩歲客塗
忙易老九華山色美如仙朱轡聯蓋迎沙際黃
帽停篙艤石邊自擁竹爐篷下坐風燈動影照

無眠

夜泊采石

去歲船從采石過夢中風雨泝江波今宵不及
登牛渚何日重來撫翠蛾無酒臨流弔詩客有
心坐石理漁簟鄉城數里身難到燈下裁書寫
意多

慈姥港

江磯西走向淮堧曲港東環半壁圓嘯虎涉川
風涌浪靈虬疏土石為泉舳艫穩泊離艱險晝
夜安行接後先被髮道人功獨偉玉堂紀事有

誰鑄

被髮道人者將如意也至治間如意後慈姥港土人名新開河歐陽原切作記無石刻今四紀矣

慈姥磯阻風

一片歸心趁鶴翎江豚忽起恣吹鯨蓬邊山色
和雲看枕上風聲帶浪聽萬事疾徐難逆料千
艘馳逐却爭停瀟灑夜半無情雨忍使寒欺短
鬢零

天

偶同三韻韻各一意自我創始

人道蒼天便是天我言天不在蒼天才心顯赫
私難隱五性圓融善本全傳說巖居登宰輔顏
淵廟食著仁賢但令俯仰長無愧須信吾身自

有天

鬼神

陰陽聚散在乾坤萬物初終理一原泯上形聲
還寓迹森上枝葉復歸根周流冬夏成功顯鼓
舞風霆妙用存靈氣充然隨處有人間承祀禮
知尊

浩氣

盛大流行天地氣有生得此本英雄在人善養
心何懼配道無虧體自充剛直忘私由集義作
為助長不成功大賢千古常如在要處先存念

慮公

山何首尾吟六首

人生何苦走西東
眼底浮雲跡易空
遠路挈家經至險
大船鬻貨伏真窮
馬行蜀棧高天碧
猿嘯巫山落日紅
木葉蕭蕭時序晏
人生何苦走西東
人生何苦走西東
琴劍淹留邸舍中
故隴楸梧幾寒食
荒庭松菊自秋風
天涯月色傷心曲
鏡裏年華入鬢蓬
但見知歸鴻燕去
人生何苦走西東

禍福皆由自己為
莫談氣數急脩持
壯夫飲醜難逃死
貧者營資不絕炊
貴骨挿身遭斷鑿
餓文入口繫安危
鬼神子奪無他意
禍福皆由自己為
禍福皆由自己為
古來家國亦如之
隱情畢達群黎悅
諫口纔箝萬事隳
漢祖寬仁兼楚地
商辛炮烙動周師
興亡未必俱天定
禍福皆由自己為
報應隨心理
最真樞機為主此
為賓
殺蛇曾作國中相
度蟻當魁天下人
然火請君先入甕
出

門無驗莫容身快尋善惡源頭者報應隨心理
最真

報應隨心理最真當存仁厚作賢臣從來出爾
仍反爾無或刑人更殺人沒後方知廉是偽生
前獨以刻為淳自經溝瀆將誰咎報應隨心理
最真

首尾吟二十首

達觀萬象付評量性命玄機孰主張天地無窮
皆一物帝王有統始三皇衮衣制禮興周室科
斗成文出孔堂可喜生民殊鬼域達觀萬象付

評量

道

達觀萬象付評量底事虛空一色蒼高大絕倫
包六合運行無息繫三光忍令顏跖殊脩短偏
遇堯湯久雨暘此意微茫還識否達觀萬象付

評量

天

達觀萬象付評量今古人間一素王曾孟有書
明道學漢唐無統爛詞章澄淵靜絕風濤險靈
府虛含日月光參透考亭宗旨後達觀萬象付

評量

理性

達觀萬象付評量自昔王畿制四方天設函關

雄百二地環洛邑定中央鷹揚西土功成速鹿
走中原力逐疆有德易與無德否達觀萬象付
評量

在德

達觀萬象付評量多少英雄古戰場曾見雌雄
分楚漢從來揖讓只虞唐馬牛謠識歸江左龍
鳳姿容起晉陽天命人心非倖致達觀萬象付
評量

覽古

達觀萬象付評量過眼榮華夢一場不把聰明
補名教枉將心志變荒唐窮經如覩行天日涉
難須經肅物霜方寸儘能藏宇宙達觀萬象付

評量

士

達觀萬象付評量欲訪丹丘不死鄉天上玉棺
如實事山中金鼎豈良方偷桃浪爾竒方朔辟
穀飄然獨子房推碎三神驅恍惚達官萬象付
評量

仙

達觀萬象付評量樓殿如星起寶坊喝佛狂談
如有理參禪兀坐畏無常法傳心印皆文字形
寓閻浮即色香未必真空都絕物達觀萬象付
評量

禪

達觀萬象付評量大化茫茫氣翕張地闢天開

呈海嶽春生秋殺運陰陽先王禮樂光三代列
國干戈起四方正閔相承離又合達觀萬象付
評量

達觀萬象付評量司造神功掣紀綱刻畫劔門
除割據蕩平灑灑作康莊太空日月明無蝕永
夜星辰淨歛芒長願清寧天地好達觀萬象付
評量

達觀萬象付評量積石龍門勢渺茫西瀆流長
多潤澤中原地決廢耕桑近年有路通星海終
古無人鑿呂梁莫信槎仙說蔥嶺達觀萬象付

評量

達觀萬象付評量輶軻由天莫可襍文士有才
多薄命忠臣仗節或惟殃鱷魚遁跡潮民喜蜃
氣凌寒海市張造物還能愛現傑達觀萬象付
評量

達觀萬象付評量氣化參差亦泛常美矣長松
生澗底時執雌雉在山梁數年許史榮西漢千
古夷齊餓首陽往事紛紜何止此達觀萬象付
評量

達觀萬象付評量政教流行國祚昌皇極居尊

施五福人文成化立三綱世家公子歌麟趾天
下奇才觀鳳凰更有山林安分者達觀萬象付
評量

達觀萬象付評量治日無多亂日長漢火漸寒
三國戰晉疆頓削五胡攘誠忘金鑑成天寶法
變青苗厄靖康一統山河忽如此達觀萬象付
評量

達觀萬象付評量歷代人材志氣揚佐國大家
鍾鼎貴開邊能將甲兵疆乘時立見功名顯持
滿無如禮法將驕傲謙恭懸絕甚達觀萬象付

評量

持滿

達觀萬象付評量惡物蕃滋苦見妨秋雨稻畦
稂莠長春風蒼圃草萊荒滿家厭聽喧蠅蚋當
路驚聞走虎狼元氣生何糅雜達觀萬象付
評量

達觀萬象付評量事遇成全又不長井邑繁華
龍闕野池臺歌舞鹿游場人情正好生離別
艷方新遇折傷郊外行春風雨至達觀萬象付
評量

達觀萬象付評量靜玩義圖理數彰五月豕羸

防至弱六陽龍亢戒全剛彌綸道天無間輔
相功神世永康太極更求形上者達觀萬象付
評量達觀萬象付評量喜有賢能列廟常多病數年
親藥餌遠遊千里憶松篁當門湖水涵天閣隔
樹山禽語畫長巖壑軒裳隨所遇達觀萬象付
評量評量

首尾吟七首

人於外物莫容心貧賤何憂富不淫待價有如
藏積玉引年無意乞骸金深山鹿豕情依舊高

閣麒麟事屬今天爵在躬懷至寶人於物外莫
容心

人於物外莫容心內境神光萬象森衽席嚴持
師保訓羹牆宛見聖賢臨游居道閫清平旦耕
獲書田惜寸陰陋巷巖廊俱自得人於物外莫
容心

人於物外莫容心已不求人己自尋莘野得君
亡夏日傳巖起相作商霖鷹揚功在九韜略龍
躍威施七縱擒事業時來皆分內人於物外莫
容心

人於物外莫容心往事驕盈可作箴七葉貂蟬
權位赫五侯蠟燭寵恩深酒肴腐敗飢人死棗
馬輕肥傑士沉損抑自無歌器覆人於物外莫
容心
人於物外莫容心古淡情懷付雅琴山閣松風
貞白瑩野窓梅月杜陵余入厨空寂惟存菜鋤
地清高不拾金須信豪華非久耐人於物外莫
容心

人於物外莫容心謾有聲華動士林將帥威行
先走坂君臣道合芥投針瑟工不計人憎愛酒

旨還隨量淺深老大青天應未負人於物外莫
容心

人於物外莫容心名教無慙我所歆正笏立朝
安進退點書教子細披吟青山渺上頻來夢華
髮蕭上漸滿簪蠶甕茶鐺清味足人於物外莫
容心

有省

順境歡娛逆境悲天公真意有誰知士遭困鬱
文逾好物到充盈數必虧得失當觀塞翁馬吉
凶勿問卜人龜雲輪變轉尋常事難把升沉定

一時

學易

氣化形生太極函榮龍圖獻泄玄談靜觀大易
九六數忽覺行年五十三卦自著求神莫側辭
因象設理當參古來四聖傳心妙絕學重明在
晦菴

學書

皇墳帝典古熈上道德光揚事業垂温洛神龜
呈大法魯堂科斗載遺辭危微精一親傳統揖
讓征誅各有時萬世國家俱鑑此存心必治不

存危

學詩

教本閨門始后妃經宏緯密彌生輝辭情感物
多微婉祭享登歌盛發揮古韻自諧何用協序
文有受未全非考亭理趣明如日獨此時上與
願違

審慮

天地生人一眇躬包含天地亦心中本來道義
無窮極要在工夫自擴充滄海原泉流浩上織
毫根莠長荒上公私端緒加精察舜跖從茲路

不同

已上鶴沙小紀

陶學士先生文集卷之六

陶學士先生文集卷之六

七言絕句

四皓奕圖

安劉事畢返林丘
當局機心老未休
松下樵夫應暗笑
先輸一着與留侯

倦繡圖

困來無力整殘粧
采綫何如意緒長
織手欲開閑不得
要將文繡獻君王

郊城叟

稔肩為饘不滿甌
焚茅烘暖弊綿裘
老翁自說

因何瘦連歲田禾不得收

次西無棣二首

寒砭肌骨酷如刀雪走風行足力勞糲粟充飢
裘襖弊老天正是養英豪

鬚結堅冰斷數莖每逢村墅少紆情僕夫皴手
輪遲輾行到日斜方近城

次韻溪居六絕

水長清溪晝濯纓鄰家門巷共新晴東風偶爾
加噓拂便見閑蒼態度輕

報到韶華太半回庭前柰杏一齊開蝶蜂留戀

多情甚纔到蒼殘便不來

榮華無定若漂流何似忘機狎海鷗儻使題橋

言不應相如豈不見人羞

簾捲從教燕子歸倚欄閒看浪蒼飛晚風欲定

依然起又鼓狂瀾觸石磯

客來沽酒醉婆娑童子垂綸釣綠波簷外雨晴

春樹茂無心勾引鳥聲多

暖天漲霧結春陰蒼片隨波半歎沉病鶴翎踈

飛不起却輸黃鳥占高林

和張景中經歷三首

未來地步預難明達士何嫌俗眼輕天意安排
元自定窮通不必問君平

春暉雲縹漏微明趁暖遊蜂體態輕溪上閉門
車馬靜柳風不動綠波平

林外雲霞曙色明落梅點入簾輕東風有意
消殘雪現出郊原似掌平

次汪教授見索茅术詩韻

時汪有
退休意

清夢相依玉潔堂未應辟穀學張良紫芝术是
神仙藥細嚼華陽雨露香

捕魚圖二首

操舟下網水波深幾簇漁家柳樹陰舉目紛
爭為利不知誰有子陵心

簞笠衰翁凍欲僵溪風吹透稚兒裳幾多辛苦
求鮮食何似安居煮菜嘗

題墨梅風烟雪月四首

為劉東美作

萬點餘香收不得倚樓莫怨笛聲吹此情已在
和羹鼎自與東風暗有期

烟鎖空江曉未開暗中顧影自憐才歲寒標格
不可掩消息已從天上来

冰雪塞天陽氣轉幽香飛動老龍鱗平生每事

居人後十月嚴凝占得春
百卉未春先入選玉堂夢遠老侵尋黃昏耿立
無人過唯有素娥知此心

送劉生二首

蟹壯湖村橙子黃林田繞舍未全荒雙親住在
姑溪上却望青山是故鄉
伯兄遠游江北邊仲兄漂上舊青瑣別後遙知
不索寞梅卷月下玩先天

題袁氏卧雪堂二首

洛城風雪未開門空屋僵眠懶謁人獨向歲寒

持節操始知君子不憂貧

雪滿橫山曉冷巖華堂帳暖蔽重簾縱然邑宰
來相見不似當時舉孝廉

題畫

鼓罷瑤琴策杖還三山流水聽潺湲
夕陽林外風塵起輸與先生不出山

淵明醉圖

何勞一縣惱閑情五柳柴桑老此生每向黃卷
作沉酒寄奴已據石頭城

渡江

嘗聞五馬一為龍烟水迢
日自東那信江南
業儒者也夫中士攬英雄

見飢民

偃僕提携面黑黧如柴瘦骨強撐支充飭猶欲
延軀命扳上高枝剝樹皮

早行

月光斜墜樹淒迷山路崎嶇信馬蹄撲面霜風
行十里村墟漸近始聞雞

旅夜聞雨

夜雨巡簷瀉瀑聲窓虛灯暗旅魂驚思家非是

無歸夢自信離人夢不成

途中別友

岐路霜楓照面紅君歸浙右我江東青山今夜
看明月兩地相思聽斷鴻

初歸

幽薊歸來鬢若絲故園三徑草離離
慰人猶有籬邊菊強吐秋芳滿舊枝

冬晚

江上風高雪正深倦遊人抱慰時心柴門不掃
無來轍抱膝藜床一暢吟

野巷

點染韶華傳色均枝上紅白為誰新雖然冷落
山林下也向東風靜咲春

秋山曙色圖

樹含曉色護林巒重露如嵐滴翠寒猿鳥儘逢
山叟慣未嘗驚怪竹皮冠

為劉博士題畫二首

靜趣無窮閱聖經紅塵那到子雲亭東風吹動
廉纖雨頓覺郊原草色新

峭壁危峰護紫霞讀書聲在鄴侯家靜凭窓几

間觀物無限春光在杏巷

題畫二首

隔岸群峯帶鶴汀水添夜雨芷蒲青展書每向
船頭讀風外沙鷗亦慣聽

山鳥山花別有春薜蘿補屋淨無塵簞瓢自得
貧中樂肯逐京華旅食人

竹松二首

兩岸湘雲鬱未開一江湘水綠於苔雖然童子
鸞輿遠吹徹瑤簫鳳亦來

攫拏百尺聳竒材鱗滿霜皮蝕古苔只恐春雷

舊頭角清陰不復護書臺

鴈鵲二圖

遠塞來賓伴不孤
半生粒食寄江湖
雖然增綴頻年少
未可巡更少鴈奴
仙信遙傳入綵樓
橋成天女渡河流
不緣帶喜人爭聽
金印嘗將拜列侯

懷友

別來消息久無聞
目斷江東只見雲
遙想蘋洲吟詠處
此身豈外白鷗羣

送何令歸江右

故山猿鶴正相招
非是淵明懶折腰
想見章江門外柳
待君歸繫木蘭橈

送劉生省親三首

江郭橙香蠟正肥
乍寒遊子已成衣
經書滿架堪探討
底事秋風苦憶歸
白上晴雲望裏飛
寸心日夜念庭闈
到家喜慶承顏處
春酒盈卮五色衣
男兒立志聖賢師
移孝為忠遠大期
要取芳名登汗簡
加功當在少年時

過田家

綠藏芳屋樹無蒼穀浸田疇已茁芽正是春蠶
成熟後不聞籬落響綠車

過吳江

人家住處近菰蒲咫尺風濤隔太湖暫泊征橈
問漁父如今可有四腮鱸

舟中望虎丘

鬱葱巖塔倚斜曛樹色嵐光香莫分今夜名山
當借宿不教間却半床雲

惠山觀泉

潺湲石轉方池葉亭翁名第二竒盍向清冷

分半勺月團試煮浣詩脾

詠史十五首并序

風塵不息有年生民肝腦塗地弗見援而止
息者閉戶憂思古之豪傑自漢以下張留侯
等十五人又莫知何在慨歎之餘爰按傳考
實每為賦一絕以寓思仰之忱亦望梅止渴
之意云爾

佐漢成功又定儲全身遠害類吾儒也知豪傑
天生世未必黃公授素書

張留侯

箕無遺策捷如神規取燕齊席卷秦請看囊沙

并背水古今將帥孰堪倫

淮陰侯

知主非常杖策從務安黎庶攬英雄炎光重振

追前烈合表雲臺第一功

鄧禹

扶漢如周夙所期遺孤委托在艱危出師二表

文猶在伊傳存心世共知

諸葛武侯

雞鳴午夜不堪聽誓取中原一掃清河內總收

歸晉土任他西北現妖星

祖逖

東山高臥聽彈絲正是蒼生屬望時兒子進兵

優破敵矯情鎮物尚圍碁

謝安

主君陰事在初年迎敵金光戰晁先柏壁嶺西

皆大捷始終名位保雙全

劉弘基

姿容環偉業通書忍作鄉邦章句儒王佐有才

匡帝德詎緣兵法捷虬鬚

李靖

獨收人物厭珍奇創業艱危主亦知更展謨猷

弘輔導商周功業可為期

房杜

戰無不克筭皆全忠義優存智勇先策立功勳

塞天地復安唐室舊山川

郭令公

謀成後戰功成持已莊嚴號令明以少覆多

稱第一凌烟閣上合圖形

李光弼

謹畏廉能一代人禁兵不殺務全仁位高志下

尤行儉累葉兒孫作重臣

曹武惠

虜塵淨掃寧無諱第一中興不浪誇居士晚稱

清隱弼賢才弗用七奸邪

韓世忠

寡弱兵能擊壯強天生豪傑信非常長城不使

權奸壞唾手中原復故疆

岳武穆

海鱗奮擊沂江濤敵主旋亡戰陣消采石金山

兩稱捷文儒恰似漢嫖姚

虞允文

志喜

黃河千里漾清洄天犬聲傳若怒雷掃淨撓搶
三萬丈乾坤生意此應回

壬寅二月望見四月長星見戊戌星墜於石如狗頭辛丑黃河清六百餘里凡七日

閱兵奏凱并序

上天厭亂眷命

皇上為生民主所以開太平於萬世肇自起
濠渡江據姑孰都建業命將出師取浙左右江
東西所謂金鼓一動萬方畢臣
天眷有德昭然可見矣何蘄黃陳寇賊謀其主
已有無上之心乃肆侮僭竊據有江漢之地怙
強稔惡敢爾抗衡荼毒生靈終無紀極天用勦
絕其命於是皇赫斯怒親仗黃鉞帥六師討
平之先是癸卯歲七月閱兵龍江臣安忝

侍從見虎賁之旅鷹揚之帥旌旄牙角如風如
雲滿望無際駕巨艦千百蔽江而上遇敵於鄱
陽湖凡距二十餘日戰三十餘合八月虜酋中
流矢斃於舟中降其衆五萬皆宥釋之奏凱而
旋臣以文字為職躬臨其盛用作凱歌為獻俾
士卒歌以頌駿功鴻烈之萬一亦以暢億兆
人之懽悅情耳

烏翔虎翼亘連衡江上風雲萬甲兵驚駭蚩尤
旗頓捲豺狼何處敢橫行

巍上左纛領千旌百萬神兵湧怒濤戰艦際天

笳鼓震定堪江海戮鯨鯢

右開兵

負固荆蠻久不庭皇天眷德統天兵戎衣一著
誅魁醜萬姓謳歌四海清

聖主親征百辟從躬提黃鉞振皇風却嗟螳臂
那當轍萬甲桓上畫虎熊

艨艟山擁塞荆湖百萬貔貅結陣圖火筏扼喉
衝浪上須臾窟穴盡鼉鼉

右得捷

交鋒酣戰六時過湖面僵屍蔽白波一箭流星
酋首殪軍民百萬動歡歌

天皇赫怒靜荆蠻掃令威嚴重若山諸將奮先

隨克捷六軍踴躍凱歌還

征討兇殘奏凱旋聖皇功德並堯天從今汛掃

華夷淨海晏河清萬年右奏凱

題江陰侯杜安道宅画馬

洗罷桃峯浪暖時群空冀北見權奇五峯雲濕
青絲鞵百戰功成不自知

房宿何年寓世門四蹄踏鐵度天山沙場酣戰

詩神駿奏凱歸來十二閒

龍鳳已亥秋九月

已上辭連集

上於建龍關儀鳳樓雜寫金陵山川六處命僚

屬各賦絕句走筆立成

秦淮流入大江來白鷺中分水勢開牛首峯前

曾謁望三山遙拱鳳凰臺

庚子二月十七日

上在姑孰遊靈山無相庵時僕與汪朝宗都諫

王思文理問俱侍行王賦絕句三首因以

其韻

霧歛春郊現燭龍偶來禪刹問真空當門一曲

清冷水物外人間便不同

千騎爭馳樂未央
繡衣銀甲映蒼香
回看城市炊煙綠
嘉惠生民不暫忘

其時賜穀于民

松竹清陰覆古庵
宛如靈鷲擁精藍
相君下馬行吟久
得意賓僚有二三

次寶公韻

馬首千峯翠鬱蟠
掌中六合握成團
天生龍虎真形勢
付與英雄萬國安

奉賡

御製中秋詩韻
光蟾再閱太平年
大地山河影更圓
今夜清光

滿堂宇桂香先到鳳池邊

參議李公次前韻二首見示賡歌奉荅

自有乾坤幾萬年
月光偏向此時圓
秋澄玉宇雲收盡
照見神州海外邊

兔臺靈藥可延年
試問冰娥乞數圓
長願身輕華髮少
台階正在五雲邊

奉賡

御製詩韻三首送茅山宗師

太空珠境豁然開
風運瓊輪任往來
雨霽丹光雲外紫
縈繞山海氣隔黃埃

燭龍飛出曉山巔草木欣上捲燁然洞裏白雲
間已久又隨鶴上瑤天
玉笙聲歇碧窓間金鼎龍砂五色班時遣仙童
入林去紫芝帶露斲雲間

題范氏文官荅二首

先碧次
緋後紫

卉木無情似有情九天雨露賜恩榮何緣顏色
頻更換別有春工染得成
荔枝綠後緋還紫金帶圍腰事亦常天遣名荅
作奇識一門數世盛文章


題畫應制

竹囊琴劍二蒼童官道驅馳並玉輿相顧應談
天下事封書同奏帝王宮

墨竹

煙雨濛濛翠影雙滿林清氣逼寒江雲間禁直
青綾夜一片秋聲起瑣窓

已上如前送藁



列